



ҚАРОРИ

ҚАРАРЫ

Нукус шаҳри

Нөкис қаласы

№ 189

« 17 » март 2018 й.ж

**Ўзбекистон Республикаси Президентининг 2018 йил 14 мартдаги
«Қоракўлчилик соҳасини жадал ривожлантириш чора-тадбирлари
тўғрисида»ги ПҚ-3603-сонли қарори тўғрисида**

Ўзбекистон Республикаси Президентининг 2018 йил 14 мартдаги «Қоракўлчилик соҳасини жадал ривожлантириш чора-тадбирлари тўғрисида»ги ПҚ-3603-сонли қарори ижросини таъминлаш мақсадида Вазирлар Кенгаши

ҚАРОР ҚИЛАДИ:

1. Ўзбекистон Республикаси Президентининг 2018 йил 14 мартдаги «Қоракўлчилик соҳасини жадал ривожлантириш чора-тадбирлари тўғрисида»ги ПҚ-3603-сонли қарори ижро учун раҳбарликка олинсин.

2. Ўзбекистон Республикаси Президентининг юқоридаги қарори билан қуйидагилар:

а) Ўзбекистон Республикаси Қишлоқ хўжалиги вазирлиги, Республика «Қоракўлчилик» уюшмаси, Ўзбекистон қишлоқ хўжалиги илмий-ишлаб чиқариш маркази ва Бухоро вилояти ҳокимлигининг:

Қоракўлчилик ва чўл экологияси илмий-тадқиқот институтининг Бухоро филиалини (кейинги ўринларда – Филиал);

Ўзбекистон қишлоқ хўжалиги илмий-ишлаб чиқариш марказига қарашли Бухоро чўл яйлов озуқабоп ўснимликлар уруғчилиги илмий-ишлаб чиқариш марказини (кейинги ўринларда – Марказ) ташкил этиш тўғрисидаги таклифлари маъқулланганлиги;

б) Филиалнинг тузилмаси 1-иловага мувофиқ ва Марказнинг тузилмаси 2-иловага мувофиқ тасдиқланганлиги;

Ўзбекистон қишлоқ хўжалиги илмий-ишлаб чиқариш маркази бош директориға, зарур ҳолларда, Филиалнинг ва Марказнинг тузилмаларига ходимларнинг тасдиқланган умумий чекланган сони ва меҳнатга ҳақ тўлаш жамгармаси доирасида ўзгартишлар киритиш ҳуқуқи берилганлиги;

в) Куйидагилар Филиалнинг асосий вазифалари этиб:

наслчилик ва сунъий уруғлантириш ишларини илмий асосда тизимли ташкил этиш, бунда қимматли, экспортбоп ярим доира қаламгул, қовурғасимон, ясси гул типларидаги сур ва қора рангли қорақўл кўйларни селекциясини амалга оширишга алоҳида эътибор қаратиш;

Бухоро вилоятининг қорақўлчиликка ихтисослашган фермер хўжаликларини илмий ишланмаларни амалиётда синаш ва унинг ижобий натижаларини ишлаб чиқаришга кенг жорий этиш;

насли кўчқорларнинг ранги ва типи бўйича ҳудудлар ҳамда хўжаликлар кесимида алмашинувини ташкил этиш;

қорақўлчилик соҳаси ривожланган хорижий давлатларнинг тажрибаси ва қорақўлчиликда олиб борилаётган наслчилик ва селекция ишларини ўрганиш ва бу борада эришилган илғор ютуқларни жорий этиш белгиланганлиги;

г) Куйидагилар Марказнинг асосий вазифалари этиб:

чўл ҳудудларида озуқа ишлаб чиқаришни интенсивлаштиришнинг илмий ва амалий асосларини яратиш, чўл озуқабоп ўсимликлар истиқболли навларининг бирламчи уруғчилигини ташкил этиш;

чўл озуқабоп экинлари уруғликлари етиштириладиган майдонларда илғор агротехник тадбирларни жорий қилиш, ушбу майдонларни сифатли уруғликлар билан таъминлаш ва уруғлик етиштириш ҳажмини ошириш;

яйловлар тупроқ иқлим шароитларини ҳисобга олган ҳолда мос навларни танлаш ва уларнинг уруғларини жадал кўпайтириш;

инқирозга учраган яйлов майдонларини аниқлаш ва уларни тиклаш ҳамда ҳосилдорлигини ошириш учун чўл озуқабоп экинларни экиш ишларини ташкил этиш;

қорақўлчиликка ихтисослашган хўжаликларнинг талабига асосан озуқабоп экинлар уруғларини етказиб бериш белгиланганлиги;

д) Куйидагилар:

а) 2023 йил 1 январга қадар қорақўлчилик билан шуғулланаётган субъектлар ва қорақўлчилик маҳсулотларини қайта ишлаш корхоналари қорақўлчилик учун зарур бўлган, республикада ишлаб чиқарилмайдиган, белгиланган тартибда тасдиқланадиган рўйхат бўйича импорт қилинадиган материаллар учун божхона тўловлари тўлашдан (божхона расмийлаштируви йигимларидан ташқари) озод этилганлиги;

б) қорақўлчилик маҳсулотлари ишлаб чиқарувчилари учун ягона ер солиғи ставкалари 2023 йил 1 январга қадар ўзгаришсиз қолдирилганлиги;

в) республика худудида қоракўл териси ва жунини тайёрлаш ҳамда харид қилиш «Ўзбекчармпойабзали» ва «Қоракўлчилик» уюшмалари тизимидаги корхоналар томонидан олдиндан **50 фоиз бўнак тўлаш орқали** амалга оширилиши белгиланганлиги;

е) Ўзбекистон Республикаси Қишлоқ хўжалиги вазирлиги Иктисодиёт вазирлиги, «Ўздонмаҳсулот» АК, «Ўзпахтаёғ» АЖ, Республика товар-хом ашё биржаси, «Ўзбекчармпойабзали» ва «Қоракўлчилик» уюшмалари билан биргаликда бир ой муддатда қоракўлчилик билан шуғулланаётган субъектлар томонидан етиштирилган кўй териси, қоракўл териси ва жунини харид қилиш, шунингдек, уларга омихта ем, арпа, пахта шроти ва шелухасини етказиб бериш тизими жорий этилишини назарда тутувчи Ҳукумат қарори лойиҳасини Вазирлар Маҳкамасига киритиш топширилганлиги;

ё) Бухоро, Қашқадарё, Навоий ва Самарқанд вилоятларида қоракўлчилик соҳасида наслчилик-селекция ишларини такомиллаштириш, жаҳон бозори талабларига мос бўлган рақобатбардош қоракўл териси ишлаб чиқариш ва уни қайта ишлашни молиявий жиҳатдан қўллаб-қувватлаш мақсадида «Қоракўл» уюшмаларининг Ўзбекистон Республикаси акциядорлик тижорат Халқ банки филиалларида очиладиган махсус ҳисоб-рақамлар шаклида **Қоракўлчиликни ривожлантириш жамғармалари** (кейинги ўринларда – Жамғармалар) ташкил этилганлиги;

ж) Жамғармаларнинг асосий вазифалари этиб:

жаҳон бозорида қоракўлчилик маҳсулотига бўлган талаб ва таклифларни, қоракўлчилик соҳаси ривожланган хорижий давлатларнинг илғор тажрибаларини ўрганиш, малака ошириш масалалари бўйича маҳаллий қоракўлчи мутахассисларнинг хизмат сафарларини ташкил этишни;

республика миқёсида насли қоракўл кўчқорларини хўжаликлараро алмаштириш бўйича кўргазмали семинарлар ташкил этиш харажатларини;

қоракўлчилик соҳасида маҳаллий ва чет эл мутахассислари иштирокида кўргазмали ўқув семинарлар ўтказишни;

республикада қоракўлчилик маҳсулотларини экспорт қилишда қоракўлчилик корхоналарини қўллаб-қувватлашни;

қоракўлчиликка ихтисослаштирилган фермер хўжаликлари ва наслчилик корхоналарининг моддий-техника базасини яхшилаш ҳамда қоракўлчилик маҳсулотларини қайта ишлаш корхонасини ташкил этиш учун Ўзбекистон Республикаси акциядорлик тижорат Халқ банки филиаллари орқали 3 йил муддатга 3 фоизли имтиёзли йиллик ставка бўйича кредит линияларини очишни молиялаштириш ҳисобланганлиги;

з) Қуйидагилар Жамғармаларни шакллантириш манбалари этиб: жисмоний ва юридик шахсларнинг, хайрия жамғармаларининг грантлари, ихтиёрий бадаллари, хорижий донорларнинг маблағлари;

Жамғармаларнинг вақтинча бўш маблағларини жойлаштиришдан тушадиган даромадлар;

конун ҳужжатларида тақиқланмаган бошқа манбалар белгиланганлиги;

Тижорат банкларининг ўз маблағлари ҳамда Бухоро, Қашқадарё, Самарқанд ва Навоий вилоятлари ҳокимликларининг маҳаллий бюджетларининг қўшимча манбалари ҳисобидан мазкур қарорнинг 3-иловасига мувофиқ Жамғармаларнинг дастлабки маблағларини шакллантириш тўғрисидаги ташаббуслари маъқулланганлиги;

Бухоро, Қашқадарё, Навоий ва Самарқанд вилоятлари ҳокимликлари 2019-2020 йиллар давомида Жамғармалар маблағларининг ўзлаштирилишидан келиб чиқиб, заруратга кўра, маҳаллий бюджетларнинг қўшимча манбалари ҳисобидан тегишли маблағлар ажратиш чораларини кўриш топширилганлиги;

и) Ўзбекистон Республикаси акциядорлик тижорат Халқ банкига «Қоракўлчилик» уюшмаси таркибига кирувчи Бухоро вилояти ҳудудида қоракўлчилик билан шуғулланаётган корхоналар, фермер ва деҳқон хўжаликларида мавжуд қоракўл қўйларининг зотини яхшилаш мақсадида четдан насли қўйлар сотиб олиш ҳамда вилоятда қоракўл териси, жунини қайта ишлаш корхоналарини ташкил этиш, мавжудларини модернизация қилиш лойиҳаларини молиялаштириш учун Ўзбекистон Республикаси Марказий банкининг қайта молиялаштириш ставкасидан ошмайдиган ставка бўйича 30 миллиард сўм миқдорида имтиёзли кредит маблағларини ажратиш тавсия этилганлиги;

й) Қоракўлчилик билан шуғулланаётган тадбиркорлик субъектларига молиявий ёрдам кўрсатиш мақсадида сунъий уруғлантириш пунктларини модернизация қилиш ва янгиларини ташкил этиш, четдан насли кўйлар, қоракўлчиликка ихтисослашган корхоналар, фермер ва деҳқон хўжаликлари учун зарур технологик асбоб-ускуналарни харид қилиш, қоракўл териси ва жунини қайта ишлаш, чўл озуқабоп ўсимликларни етиштиришга мўлжалланган яйловларни ривожлантириш ва уларнинг ҳосилдорлигини ошириш билан боғлиқ лойиҳаларга Ўзбекистон Республикаси Вазирлар Маҳкамаси ҳузуридаги Тадбиркорлик фаолиятини ривожлантиришни кўллаб-қувватлаш давлат жамғармасидан ресурс маблағлари ажратилишига, кафиликлар берилишига ҳамда кредитлар бўйича фоиз харажатларини коплаш учун компенсациялар тўланишига рухсат берилганлиги;

к) «Ўзагротехсаноатхолдинг» ва «Ўзагролизинг» акциядорлик жамиятлари қоракўлчилик фаолияти билан шуғулланувчи субъектларга чўл яйлов озуқабоп ўсимликларнинг уругликларини етиштириш ва уларни чўл ҳудудларида экиш билан боғлиқ агротехник тадбирларни амалга ошириш учун талаб этиладиган техникаларни лизинг асосида етказиб бериш чораларини кўриш топширилганлиги;

л) Ўзбекистон Республикаси Ташқи савдо вазирлиги Савдо-саноат палатаси, Республика «Қоракўлчилик» ва «Ўзбекчармпойабзали» уюшмалари билан биргаликда бир ой муддатда қоракўл терисини халқаро мўйна кимошди савдоларида реализация қилиш ва салоҳиятли чет эллик шерикларни топиш орқали ташқи бозорларга чиқиш, ўзбек қоракўл терисининг халқаро миқёсдаги брендини тиклаш бўйича таклифларни Вазирлар Маҳкамасига киритиш топширилганлиги;

м) Ўзбекистон Республикаси Давлат божхона қўмитасига, Қорақалпоғистон Республикаси Вазирлар Кенгаши Раисига, Бухоро, Жиззах, Қашқадарё, Навоий, Самарқанд ва Сурхондарё вилоятлари ҳокимларига, қўшни давлатларга чегарадош туманлар ҳокимларига қоракўлчилик маҳсулотларини республика ташқарисига ноқонуний олиб чиқиб кетилишининг олдини олиш бўйича кўрилаётган чора-тадбирларнинг етарли эмаслиги кўрсатиб ўтилганлиги;

Ўзбекистон Республикаси Ички ишлар вазирлиги, Давлат божхона қўмитаси ҳудудий тузилмаларининг бошлиқлари, Қорақалпоғистон Республикаси Вазирлар Кенгаши Раиси, вилоятлар ва туманлар ҳокимлари қоракўлчилик маҳсулотларининг республика ташқарисига ноқонуний олиб чиқиб кетилиши ҳолларининг ўз вақтида олдини олиш бўйича ишларнинг аҳволи учун шахсий жавобгарлиги белгиланганлиги маълумот учун қабул қилинсин.

3. Қорақалпоғистон Республикаси Молия вазирлиги Тўрткўл, Беруний, Эллиққалъа, Қўнғирот, Қораўзак ва Тахтақўпир туманлари ҳокимликлари билан биргаликда мазкур қарорнинг 1- ва 2-иловаларига асосан 2018-2020 йилларда узок чўл ҳудудларида қоракўл қўйларини суғориш иншоотлари (тик ва шахтали қудуқлар)ни таъмирлаш билан боғлиқ харажатлари учун маҳаллий бюджетларининг қўшимча манбалари ҳисобидан дастлабки ҳисоб-китобларга кўра **1 миллиард 980 млн. сўм** маблағ ажратилишини;

Қорақалпоғистон Республикаси Молия вазирлиги заруратга кўра, Тўрткўл, Беруний, Эллиққалъа, Қўнғирот, Қораўзак ва Тахтақўпир туманлари ҳокимликларининг сўровига асосан йил якунига қадар қайтариш шарти билан ушбу мақсадлар учун республика бюджетидан бюджет ссудалари ажратилишини таъминласин.

«Қоракўл» уюшмаси ва тегишли туманлар ҳокимликлари Ўзбекистон Республикаси Давлат геология ва минерал ресурслар қўмитасининг суғориш иншоотларини таъмирлаш ва қуриш ишларининг мақсадга мувофиқлиги бўйича ўрнатилган тартибда гидрогеологик хулосалари ҳамда қудуқларни энг мақбул жойларда қазиб бўйича таклифлари асосида суғориш иншоотларини таъмирлаш ва янгиларини қуриш ишларини амалга ошириш ҳамда уларнинг сақланиши юзасидан назорат ўрнатиш бўйича масъул этиб белгилансин.

4. Қорақалпоғистон Матбуот ва ахборот агентлиги, Қорақалпоғистон ахборот агентлиги, Қорақалпоғистон Республикаси Телерадиокомпанияси «Қоракўл» уюшмаси билан биргаликда қоракўлчилик тармоғида амалга оширилаётган ислохотларнинг мақсади, моҳияти ва мазмуни аҳоли орасида мунтазам равишда кенг ёритиб бориш тавсия этилсин.

5. Мазкур қарорнинг ижросини назорат қилишни ўз зиммамда қолдираман.

**Қорақалпоғистон Республикаси
Вазирлар Кенгашининг Раиси**



Қ.Сариев

Вазирлар Кенгашининг
2018 йил 17 мартдаги 189 -сон
қарорига 1-илова

**Қорақалпоғистон Республикаси ҳудудларда 2018-2020 йилларда шахтали қудуқларни таъмирлаш
ва янгиларини қуриш режа-жадвали**

№	Туманлар номи	Жами шахтали қудуқлар сони	шундан		Ресурс тежовчи агрегатлар сони	Дастлабки ҳисоб-китобларга мувофиқ талаб этиладиган маблағ, млн.сўм	шундан		
			таъмирланади	янгидан қурилади			2018 йил	2019 йил	2020 йил
1	Тўртқўл	44	10		5	305	122	122	61
2	Беруний	27	6		3	183	73	73	37
3	Элликқалъа	16	3		3	92	37	37	18
4	Қўнғирот	92	13		6	397	159	159	79
5	Кораўзак	29	6		3	183	73	73	37
6	Тахтақўпир								
Жами:		208	38	0	20	1 160	464	464	232

**Қорақалпоғистон Республикасида 2018-2020 йилларда тик қудуқ (скважина)ларни таъмирлаш
ва янгиларини қуриш режа-жадвали**

№	Туманлар номи	Жами тик қудуқлар сони	шундан		Ресурс тежовчи агрегатлар сони	Дастлабки ҳисоб-китобларга мувофиқ талаб этиладиган маблағ, млн.сўм	шундан		
			таъмирланади	янги қурилади			2018 йил	2019 йил	2020 йил
1	Тўрткўл	18	3			60	24	24	12
2	Беруний	27	6			120	48	48	24
3	Элликқалъа	63	8			160	64	64	32
4	Қўнғирот								
5	Қораўзак	33	4			80	32	32	16
6	Тахтақўпир	151	20			400	160	160	80
Жами:		292	41	0	0	820	328	328	164